

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r predsjedavajućeg Skupštine Kantona Sarajevo

Uputiti: Ministarstvo za rad, socijalnu politiku, raseljena lica i izbjeglice Kantona Sarajevo i Zavod zdravstvenog osiguranja Kantona Sarajevo

ZASTUPNIČKA INICIJATIVA

Predmet: Inicijativa za povećanje subvencija za ortopedska pomagala za civilne žrtve rata u Kantonu Sarajevo

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom predlažem da **Ministarstvo za rad, socijalnu politiku, raseljena lica i izbjeglice Kantona Sarajevo i Zavod zdravstvenog osiguranja Kantona Sarajevo** poduzmu aktivnosti na povećanju subvencija za ortopedska pomagala za civilne žrtve rata u Kantonu Sarajevo, i to u visini od najmanje 100%.

Prijedlog mjera

S tim u vezi predlažem da nadležne institucije:

1. Izvrše izmjene važećih pravilnika i odluka kojima se reguliše pravo na ortopedska pomagala, na način da se **iznos subvencija poveća za najmanje 100%**.
2. Usklade visinu sredstava sa stvarnim tržišnim cijenama ortopedskih pomagala, imajući u vidu značajan rast cijena u proteklom periodu.
3. Razmotre mogućnost češćeg ostvarivanja prava na ortopedska pomagala, s obzirom na njihovu funkcionalnu istrošenost i potrebe korisnika.

Obrazloženje

Civilne žrtve rata predstavljaju jednu od najosjetljivijih kategorija stanovništva, te je obaveza institucija da im osiguraju adekvatnu i kontinuiranu zdravstvenu i socijalnu zaštitu.

Prema važećim propisima, pravo na ortopedska pomagala ostvaruje se u određenim vremenskim intervalima, najčešće svake tri godine, međutim, **iznos sredstava koji se trenutno odobrava nije u skladu sa realnim tržišnim cijenama**, koje su u međuvremenu značajno porasle.

Zbog toga se korisnici često nalaze u situaciji da **iz vlastitih sredstava moraju doplačivati značajne iznose**, što dodatno otežava njihov ionako težak socio-ekonomski položaj.

Također, prema javno dostupnim finansijskim izvještajima, Zavod zdravstvenog osiguranja Kantona Sarajevo raspolaže značajnim sredstvima, te je neophodno naglasiti da **ZZO nije institucija koja treba akumulirati sredstva, već institucija koja treba biti u funkciji građana i njihovih zdravstvenih potreba**.

U tom smislu, povećanje subvencija za ortopedska pomagala predstavlja ne samo socijalno odgovornu mjeru, već i obavezu institucija prema civilnim žrtvama rata.

Molim da nadležne institucije razmotre ovu inicijativu i o poduzetim aktivnostima informišu Skupštinu Kantona Sarajevo.

S poštovanjem,

Sebija Izetbegović

[Redacted signature box] jevo